

**CENTRALNA BANKA  
BOSNE I HERCEGOVINE  
Broj: 150-15-4-341- 8 /20 MM  
Sarajevo, 12.03 2020. godine**

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavkama, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine donosi

**O D L U K U**

**o izboru najpovoljnijeg ponuđača u postupku javne nabavke usluga – održavanje i servisiranje, pregled i ispitivanje sistema vatrodajave, plinodajave i stabilnog sistema za automatsko gašenje požara**

**Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku usluga - održavanje i servisiranje, pregled i ispitivanje sistema vatrodajave, plinodajave i stabilnog sistema za automatsko gašenje požara, dodjeljuje ponuđaču NEW SANATRON d.o.o. Novi Grad, u svemu prema Ponudi broj: 24074 od 26.02.2020. godine.

**Član 2.**

Ponuda ponuđača iz člana 1. ove odluke iznosi:

25.038,00 KM KM bez PDV-a

(slovima: dvadesetpethiljadatridesetosam i 00/100 konvertibilnih maraka)

odnosno

29.294,46 KM sa uračunatim PDV-om

(slovima: dvadesetdevethiljadadvijestotinedevedesetčetiri i 46/100 konvertibilnih maraka).

**Član 3.**

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum na period od dvije godine za čije se izvršenje zadužuje Glavna banka Republike Srpske Centralne banke BiH.

**Član 4.**

Centralna banka će o rezultatima provedenog postupka javne nabavke obavijestiti ponuđača.

**Član 5.**

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za računovodstvo i finansije Centralnog ureda Centralne banke Bosne i Hercegovine i Glavna banka Republike Srpske Centralne banke BiH.

**Član 6.**

Ova Odluka će se objaviti na web stranici Centralne banke [www.cbbh.ba](http://www.cbbh.ba) istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

## O b r a z l o ž e n j e

Postupak javne nabavke usluga – održavanje i servisiranje, pregled i ispitivanje sistema vatrodajave, plinodajave i stabilnog sistema za automatsko gašenje požara, za potrebe Centralne banke Bosne i Hercegovine, otvorenim postupkom, pokrenut je Odlukom, broj: 150-15-4-341-2/MM od 22.01.2020. godine.

U skladu s tim, Centralna banka je 12.02.2020. godine na portalu Javnih nabavki objavila Obavještenje o nabavci broj: 1370-1-2-106-3-99/20.

U predviđenom roku za dostavljanje ponuda, do 28.02.2020. godine do 10:00 sati, blagovremeno je dostavljena jedna ponuda ponuđača NEW SANATRON d.o.o. Novi Grad.

Komisija za provođenje postupka javne nabavke se putem e-maila obratila Odjeljenju za javne nabavke da izvrši provjeru sa Odjeljenjem za računovodstvo i finansije i dostavi Komisiji informaciju o tome postoji li dovoljno sredstava za realizaciju nabavke jer je procijenjena vrijednost nabavke 13.675,00 KM, a cijena jedine pristigle ponude iznosi 25.038,00 KM.

Postupajući po upitu Komisije, Odjeljenje za javne nabavke je dana 04.03.2020. uputilo Upit, broj: 150-15-4-341-6/20 MM od 04.03.2020. godine, Odjeljenju za računovodstvo i finansije. U svom odgovoru, broj: 123-15-4-341-7/20 od 04.03.2020. godine, Odjeljenje za računovodstvo i finansije je, između ostalog, navelo da obzirom da se planira zaključenje okvirnog sporazuma na dvije godine preostali dio sredstava će biti planiran finansijskim planovima za slijedeću godinu.

Navedeni odgovor Odjeljenje za javne nabavke je dostavilo nadležnoj Komisiji, koja je izvršila pregled i ocjenu ponude i zaključila da ista zadovoljava sve uslove tražene tenderskom dokumentacijom, a što je navedeno i u Zapisniku o pregledu i ocjeni ponuda broj: 149-15-4-797-6/20 i Izvještaju o radu sa preporukom broj, 149-15-4-797-6/20, oba od 06.03.2020.godine.

Cijeneći sve naprijed iznesene činjenice i okolnosti, odlučeno je kao u dispozitivu ove odluke

### **Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- sekretaru Uprave i Upravnog vijeća;
- predsjedniku i članovima komisije;
- Glavna banka Republike Srpske Centralne banke BiH;
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original)



**GUVERNER**  
**dr. Senad Softić**